

عدد — ۵۶

امور اداره و تحریریه و اعلانات و ساثره  
ایچون مدیر مسئوله مراجعت ایدمللیدر.

هرقای امتک مقالات منصوفانه لرینه  
جریده صوفیه تک صحیفه لری  
آجبقدر .

# جریده صوفیه

شیمدیالک هفته ده بر نشر اولنور .

تصوفی ، دینی ، اخلاقی ، سیاسی جریده اسلامیه در

نسخه سی ۴۰ پاره در

ابونه سی : بر سنه لك اعتباریه ممالك  
عثمانیه ایچون ۴۰ آلتی آیلغی ۲۵ فروش  
وممالك اجنبیه ایچون اون ایکی فرانقدر

محل اداره باب عالی جوارنده ابوالسمود  
جاده سنده نجم استقبال مطبعه سی

در عقب جناب عزیز و هاب طرفندن : قولك حسابی تدقیق  
ایتمیکز . اونك محاسبه سی بنم نزد الوهیتده در . کنناهارنی اظهار  
واقرار ایدن اوقولده فرخناك اولسون، چونکه بن قولایمه قریب ،  
ودعا ایدنلرك دعاسنده مجیم ، دیه برخطاب بشارت نصاب شرفنازل  
اولدی :

### کمال الدین خرپوطی

#### اجتماعیات

### قال النبی ( صلم ) خیر الناس انفعهم للناس

مسلمدرکه : هر انسان کنندی محیطنك مرخصیدر . آتی ، عقل  
واده مقارن اولان افعال و حرکات مدوحه-سندن ، هیچ برشی منع  
ایده مز . بو صفترلره تمیز ایتمش وجودلرده ، « ایکی خصلت مذمومه  
برلشمز ، بری ( بخل ) دیگر ( سوء خلق ) در ، خیر و شر ،  
عاقلک اختیارله تمیز ایدمک مسائل نقلیه و عقلیه نك معکس استدلالی  
اولوب ، هر بعافل وعاقله نك خیر و شری بیلمه سی ، و عقلی باشنده  
اولانلرك علی الدرجات ، ادبی اولمی طبیعی و ضروریدر . لهذا بویه  
اولوبده ، ابنای جنسه-منفعتی دوقونمیانلری ، معاونندن منع ایدن  
نهدر ؟ شهنسز محیطنه ترتب ایدن لوازم انسانیه نك بالالتزام عدم  
اجرا سیدر !!! ایشته بوکون حکومت عثمانیه مزه ظهور اولوب ،  
اعدای بدطینت و خونخوارك ، احتراصات شیعیه و جانیانه سی بوزندن ،  
حیات اقتصادی و اجتماعیه-سندن محروم قالمش بولونان ، افراد مظلومه  
عثمانیه نك کریمه خونانی سیله جک و یوزلرینی کولایبره جک ، هلال احمر  
و معاونت ملیه جمعیتلری کبی ، خیرخواهان امتک ینسان خیریه و  
تثبات وطنپرورانه-سینه پیرو اولوق ، عقل و ادب نك خطابان محقه و  
مؤثره سی ایجابا-سندن ده کلمی در ؟ عجا بنیان دولتی تأسیس ایدن تورکارله ،  
کنندی اداره لرندن یوز چوروب ، زیرا جناح رأفت و عدالتنه التجا  
ایدن صنوف مختلفه عثمانیه نك مال ، جان و ناموسلری ، نه واسطه ونه  
صورته وجوده کلش ونعت تأمین آلتهدر ؟ بلاتردد - منہاج سلامت  
وسعادتمز اولان کتاتب-مین و آنک امر بیوردینی عدل واحسان ایله در .  
( احسان حسابی بیلنلرده تجلی ایدن بر صفت ممتازده در ) خلاصه مقال ،  
بدایت تأسیسمزی و حکمداران معدلت عنوانمک ، امور اداره ده کی  
اجتهادات مشروعه مشکوره و اسلاف ذوی الاحتراماتمک ، مساعی  
جهان پسندانه لری نظر انتباهه آلوده ، کندمزه لایق کوره جکمز  
مسلك معقولی طونه رق ، مالی ، مسلکی ، اولاد و عیالی غائب ایتمش  
قارداشلر مرک معاونت ومظاهرتنه شتاب ایدم !!! ( ان الله یا مرس . . . )

نص جلیلی رهبر فوز و ترقی بیلدرک و بویه جقه قبول ایدمک ، وارلنمزی  
کوسترم ، کامیاب عز و رفاه اولم .

### اسماعیل حق

### اسلاف ، اخلاف

انسانلر شوجهان ولوله کلدیکی دقیقه دن اعتباراً یاشامق ، اعتدالی .  
شرفلی بولار قطع ایتمک هوس-بیله نملر کورمش ، نملر کچیرمه مشلردر .  
ینه او انسانلرکه عین زمانده او دهرک پارچه لایچی ، آغلادیچی ،  
حتی انتباهه دعوت ایدمکی کاله لرینه ، ولوله لرینه کوکس کریورلر .  
نیه او غرادینی بیلهمیور . ینه او انسانلرکه چالیشه ، چالیشه دوشه قالمه  
شانلی ، یاخود کور برماضی به مالک اولیور . ماضیسنک شانلی عصرلرینی  
حالنک بالعکس شاشقین دقیقه لرینی دوشنویور . اسلافنک فکرلرینی  
اثرلرینی درخاطر ایدرکن اونک بارقه نما قوتلری سایه سنده استقبالی  
آله بیلور . دور تجدد واعتلاویه آدیم آتیور ، ایشته اونک ، اوزمان  
اودقیقه دن اعتباراً هب مفکره سی بوقله بن ، ذهنی طیرمالایان اسلاف  
قورقوسی ، اخلاف قورقوسی اولیور . بوده آروجه برانقلاب ملی ینه  
آروجه برصفحه ترقی در . بوانقلابک غایبه سی استحصال اولندی؟  
اوراده آرانیله جق نقطه ینه اسلافک عزم معقول ایله اوغراشوب  
تحصیل واکمال ایلیه بیلدیکی خدمات برکزیده ایله آثار نفیسه سنده ایدمک  
خدمت کوستریله جک رغبتدر . اگر اخلاف اسلافنک اوغراشدینی کی  
اوغراشیر و اوغراشدیررسه ، هرزمان ، هر دقیقه حتی عصرلرجه نام  
و شانی جناح عاطفنده صیفنمه مجبور ، اعتلارده کندیلر ینه آغوشی  
استقبال اولور . نهدیم ، نهدیملی بکمه اسلاف ایله اخلاف آراسنده کی  
مناسبات قطعیه سی ، میل مربوطیتی حقیله ادراک ایدمک میورز بیلهمیورز .  
حتی بیامک ایسته میورز . نتیجه ده هرشیده مفقودی وضعیتلر آلیورز .  
آلمقندن اوصانمیورز . عجا اخلافز بوحرکتلریمزدن نمون قالمه حقمی ،  
آنلره حقیله مالک اوله بیله جکمی ز . نه وقت بوقورقولی حالانی ، بویوک  
نقصانلریمزی اعترافاً بر طرف ایدوب ، اسلافی باخصوص آنلرک  
حرکاتی نظر اعتباره آلورده آنلرک کیدیشلرینی تقلید وتطبیق ایدرسک  
استقبالنک انکشافنه ، نمادیسنه ک بویوک واسطه سی کشف ایتمش اولورز .  
تاریخ بوخصوصده شهادتی بالذات ایفا ایدر . بزم قصورلریمزی  
برر برر سویلر ، اسلافک ایی لکترینی ، ایی کیدنلرینی برر برر سچر ،  
میدان حقیقه ، صحرای انتباهه صاچار . بز بونلردن کندمزه بررحصه  
چیقارمیلی ز . چیقارده جق اولورسک ایی ، شانلی ماضیلره صاحب  
اوله بیلیرز . اسلافی تقدیر ایدمک میلر ، نملر اولمشلر ، ایدنلرسه نملره  
نائل ، نه املاره موفق بالخیر بولمشلر . حالبوکه اسلافی حرمتله ماد